

Халқ сўзи

1991 йил 1 январдан чиқа бошлаган

E-mail: Info@xs.uz

2011 йил 18 август, № 161 (5328)

Пайшанба



«ЖАННАТМОНАНД ДИЁРИНГИЗГА МАФТУНМИЗ»

Бугун юртимизнинг қай гўшасига борманг, энг улуг ва энг азиз байрамимизга қизгин таратқил кўрилатгани, бунёдкорлик ва ободонлаштириш ишлари давом этаётганига шохид бўласиз. Мамлакатимиз ўзининг тарихий обидалари, гўзал табиати ва замонавий шаҳарлари, бетакор маданияти, ибратли урф-одат ва анъаналари билан сайёҳларни ўзига мафтун этмоқда. Шу кунларда Фарғона шаҳри кўчаларида ҳам кўп ўзига сайёҳларни учратиб бўлади. Ўзбекистон Миллий ахборот агентлиги — УзА мухбири уларнинг айримлари билан суҳбатда бўлди.

Лимона Форнес Рамон (Испания): Мамлакатингиз ҳақида кўп эшитганман. Испанияда Тошкент, Самарқанд, Бухоро, Хива, Марғилон каби шаҳарларни кўришга орзумдан кишилар кўп. Улар қатори мен ҳам Ўзбекистоннинг тарихий обидалари, машҳур зиёратгоҳларини кўришни орзу қилардим. Орзуми ушлаганидан, юртингизнинг диққатга сазовор жойлари, қадимий шаҳар ва ёдгорликлари билан танишиш, меҳмондўст халқингиз билан суҳбатлашиш имкониятига эга бўлганман. Европа ва Лотин Америкаси давлатларида бўлганман. Ўзбекистон қадимий ёдгорликлари билан кишиларни ўзига жалб этади. Биз, сайёҳларга кўрсатилган хизматлар замон талабларига тўла жавоб беради.

Дунё нигоҳи

Моранди Анна Марсиа (Италия):

— Юртингизга келганимга кўп бўлгани йўқ. Лекин Фарғона vodiysi билан яқиндан танишишга улгурдим. Олтин vodiynинг тоза

(Давоми 2-бетда).

ЖАМИЯТНИ ДЕМОКРАТИК ЯНГИЛАШНИНГ МУҲИМ ОМИЛИ

Давлатимиз раҳбарининг ўтган йили парламент палаталари қўшма мажлисида илгари сурган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси жамиятни модернизация қилишнинг янги босқичини бошлаб берди.

Мазкур дастуриламал ҳужжатда устувор йўналишлардан бири сифатида белгилаб берилган давлат ҳокимияти ва бошқарувини демократлаштиришга оид қонунчилик та-

(78, 80, 93, 96 ва 98-моддаларида)ги Ўзбекистон Республикаси Қонуни кучга кирди. Бу эса, ўз навбатида, рўйбга чиқарилаётган ислохотларнинг муваффақиятини

КОНЦЕПЦИЯ: устувор вазибалар

намоён қилувчи омиллар — мамлакатимизни янада демократлаштириш ва либераллаштириш йўлидаги саъй-ҳаракатларимиз суръати, фуқароларимизнинг ижтимоий-сиёсий фаоллиги, сиёсий партияларнинг етуқлик даражаси, уларнинг юрт тақдирини келажакка бўлган дахлдорлик ҳиссини янада оширишга пойдевор бўлди.

Конституциямизга Бош вазирнинг номзоди Олий Мажлисининг Қонунчилик палатасига сайловларда энг кўп депутатлик ўрнини олган сиёсий партия томонидан тақдир этилиши, парламентга Бош вазирга нисбатан ишонсизлик вотуми билдирилиши ҳамда Бош вазир ҳисоботларини эшитиш ва муҳокама қилиш ҳуқуқларини бериш, Ўзбекистон Республикаси

Президенти ваколатларидан ижро этувчи ҳокимият девонини тузиш ва унга раҳбарлик қилиш ҳақидаги нормани чиқариш каби биларни назарда тутувчи ўзгартиш ва қўшимчалар киритилди.

Шулар асосида демократик ислохотларни янада чуқурлаштириш ва фуқаролик жамиятини ривожлантиришда муҳим аҳамиятга эга парла-

мент назорати ва унинг узвий қисмлари — парламент сўрови ҳамда парламент эшитуви механизмлари тақомиллаштириб борилаётган. Бу конституциявий нормалар, шу жумладан, Конституциянинг 78-моддасида мустақамлаб қўйилган мамлакат ижтимоий-иқтисодий ривожланишининг долзарб масалалари юзасидан Бош вазирнинг ҳисоботларини эшитиш ва муҳокама қилиш қонун устуворлигини таъминлашда катта аҳамиятга эгадир.

Барчамизга аёнки, парламент эшитуви ижтимоий-сиёсий, социал-иқтисодий ҳодиса ҳисобланади. Бойси, унда юрт раънақи, эл фаровонлигига дахлдор масалалар муҳокама қилинади.

(Давоми 2-бетда).

Олий Мажлис Сенатининг олтинчи ялпи мажлиси олтидан

Маълумки, демократик бозор ислохотларини ва иқтисодий либераллаштиришни янада чуқурлаштиришда банкротлик муносабатларини тартибга солиш муҳим аҳамиятга эга. Зеро, корхоналарнинг лаёқатсиз мулкдорларини янгилаш, самарасиз корхоналар фаолиятини тугатиш, стратегия корхоналарни сақлаб қолтиш ҳамда уларни ривожлантиришда банкротлик тартиб-таомилларининг ҳуқуқий асосларини янада тақомиллаштириш муҳим роль ўйнайди.

БАНКРОТЛИКНИНГ ҚОНУНИЙ АСОСЛАРИНИ ТАҚОМИЛЛАШТИРИШ

Бозор ислохотларини чуқурлаштириш ва иқтисодий либераллаштириш талабидир

Президентимизнинг 2011 йил 14 январда қабул қилинган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси»нинг демократик бо-

зил иқтисодий либераллаштириш ва иқтисодий либераллаштириш соҳасидаги устувор йўналишларини амалга ошириш бўйича чора-тадбирлар тўғрисида»ги фармойишида «Банкротлик тўғрисида»ги Ўзбекистон Республикасининг Қонунига ўзгартиш ва қўшимчалар киритиш белгилан берилди.

Олий Мажлис Сенатининг олтинчи ялпи мажлисида муҳокама этилиши кутулаётган «Банкротлик тўғрисида»ги Ўзбекистон Республикасининг Қонунига ўзгартиш ва қўшимчалар киритиш ҳақида»ги Ўзбекистон Республикаси Қонуни ана шу ҳужжат талаблари, хусусан, Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида илгари сурилган демократик

бозор ислохотларини ва иқтисодий либераллаштиришни янада чуқурлаштиришга оид қонунчилик ташаббусларига уйғун ҳолда ишлаб чиқилган.

Жаҳон молиявий-иқтисодий инқирозини чуқур таҳлил қилиб, шуни алоҳида таъкидлаш керакки, бугунги кунда паст рентабелли, иқтисодий ночор корхоналар фаолиятини тугатиш ва улар ўрнида юксак салоҳиятга эга корхоналар ташкил этишни ҳаётнинг ўзи тақозо қилмоқда. Бунда, албатта, банкротликнинг қонуний асосларини янада тақомиллаштириш муҳим аҳамиятга эгадир.

Маълумки, «Банкротлик тўғрисида»ги Қонунда кредиторларнинг биринчи йиғилиши ҳужжалик суди мажлисидан қамада ўн кун олдин ўтказилиши назарда тутилган. Банкрот корхоналарни тугатиш жараёнини тезлаштириш мақсадида ушбу муддат 5 кунга, ҳужжалик судига кредиторлар йиғилиши баённомасини топшириш муддати эса икки кунга қисқартирилмоқда.

(Давоми 2-бетда).

«Бунёдкор — 2011»

Ватанимиз мустақиллигининг 20 йиллик байрами яқинлашаётган шу дамларда юртимизнинг барча ҳудудларида кенг кўламли бунёдкорлик ишлари олиб борилаётган. Бу эса ҳар биримизни ана шу хайрли ишларга дахлдор бўлишга ундаётир.

НИЯТЛАРИ ЭЗГУ, ШИЖОАТИ ҚАТЪИЙ

Масалан, «Камолот» ёшлар ижтимоий ҳаракати томонидан ташкил этилган «Бунёдкор» талаба-ёшлар меҳнат ҳаракатларида ба- жарилаётган ишларни олайлик. Навқирон авлоднинг шижоатига қараб, эзгулик элни биллаштириб, деган нақл нақадар ҳаётий эканлигига амин бўласан, киши. Айни кунларда Бухоро вилоятида 2264 нафар йигит-қиз «Бунёдкор» талаба-ёшлар меҳнат ҳаракатига аъзо бўлган. Уларнинг 1691

нафари вилоятдаги мавжуд тўртта олий ўқув юрти талабалари, 573 нафари эса маҳаллий ёшлардан иборат.

Шу кунларда Тошкент ирригация ва мелiorация институти Бухоро филиали учун янги ўқув биноси қурилмоқда. Мазкур мажмуада «Бухоро — 20-ТРЕСТ» масъулияти чекланган жамияти қурувчилари билан ёнма-ён ишлаётган бир гуруҳ талаба-ёшларни учратдик.

(Давоми 4-бетда).

Қисқа сатрларда

● **ГУЛИСТОН** шаҳрида «Биз 20 ёшда» широти остида «Ёз — 2011» спорт мусобақалари бўлиб ўтди. Унда 1133 нафар ўқувчи стол теннис, баскетбол, волейбол, футбол, кўл тўпи, энгил атлетика, сузиш ҳамда шахмат каби спорт турлари бўйича ўзаро беллашдилар. Яқунда голиблар диплом ва кимматбаҳо эсдалик совғалари билан тақдирландилар.

● **УЗУН** туманидаги «Турон садақати» хусусий корхонасида гилам, дўппи ва турли ўлчамдаги саватлар тўқиш йўлга қўйилди. Ушбу лойиҳани амалга ошириш учун 55 миллион сўм сарфланди.

● **Хотин-қизлар кўмитаси** ҳамда «Маҳалла» жамғармаси ҳамкорликда ташкил этаётган «Фуқаролар йиғинларининг диний маърифат ва маънавий-ахлоқий тарбия масалалари бўйича маслаҳатчиси» кўрик-танловининг НАМАНГАН вилояти босқичи ўтказилди. Пироваддида Поп туманидаги Чортоқ маҳалласи маслаҳатчиси Озодхон Ҳакимова биринчи ўринни эгаллади.

● **Ўзбекистон** Ёзувчилар уюшмаси САМАРҚАНД вилояти бўлими ташаббуси билан «Ёшлик» истироҳат боғида «Айтгил, дўстим, нима қилдик Ватан учун?» деб номланган адабий-музыкавий томоша уюштирилди. Унда шoir ва ёзувчилар ҳамда танқили санъаткорлар иштирок этди.

● **ПАХТАОБОД** туманидаги «Тўққизбоғ» маҳалла фуқаролар йиғини эндиликда мухташам бинода фаолият кўрсатмоқда. Гап шундаки, тумандаги «Охунбобо», «Мирҳомидбой» фермер хўжаликлари ҳамда ўнлаб тадбиркорлар кўмаги билан гузар барпо этилди. Туман газлаштириш идораси эса бу ерда кенг кўламли ободонлаштириш ишларига бош-қош бўлди.

«Халқ сўзи» мухбирлари хабарлари асосида тайёрланди.

ЭЪТИБОР ВА ҒАМХЎРЛИК

Мамлакатимизда ёш авлоднинг ҳар томонлама баркамол вояга етишида, хусусан, янги ўқув йилида ҳам муваффақиятли билим олишида барча жойларда ташкил этилган мактаб бозорлари ва ярмаркалари муҳим ўрин тутмоқда.



Ёш авлоднинг замонавий асосда пухта билим олиши, келажакда етуқ шахс бўлиб камолга етишини таъминлаш мамлакатимиз сиёсатининг энг устувор йўналишларидан бири ҳисобланади. Бугунги кунда юртимиз таълим тизимини янада тақомиллаштириш амалга оширилаётган ислохотларнинг туб мазмун-моҳияти ҳам ана шу эзгу мақсадга ҳамоҳанглиги билан янада аҳамиятлидир. Энг муҳими, ёшларимизнинг ҳеч кимдан кам бўлмағи ўсиб-ўлғайишлари учун яратилаётган бундай беқисс имкониятлар ўзининг ижобий самарасини бермоқда.

Арафа

Иқтисодий ўғил-қизларимизнинг илм-фан, санъат ва спорт йўналишларида кўлга киритаётган халқаро миқёсдаги муваффақиятлари бугун ҳар биримизнинг кўнглимизга фахр ҳиссини солиши, шубҳасиз. Янги ўқув йили арафасида интилувчан ва илмга чанқоқ ёшларга ғамхўрликнинг амалий ифодаси сифатида яна бир хайрли ишга кўл урилди. Аниқроғи, жорий йилнинг

1 августидан то ўқув йили бошлангунча қадар Халқ таълими вазирилик тизимининг ўқув масканларида кўлга киритаётган халқаро миқёсдаги муваффақиятлари бугун ҳар биримизнинг кўнглимизга фахр ҳиссини солиши, шубҳасиз.

Янги ўқув йили арафасида интилувчан ва илмга чанқоқ ёшларга ғамхўрликнинг амалий ифодаси сифатида яна бир хайрли ишга кўл урилди. Аниқроғи, жорий йилнинг

йим-боши ҳамда пойабзаллари сотуви йўлга қўйилмоқда. — Мактабимиз ярмаркасида ўттиз хилга яқин ўқув анжомлари ва турли фасларга мос ўқувчилар кийим-боши ўрин олган, — дейди пойтахтимиздаги 326-сонли давлат иқтисодлаштирилган умумтаълим мактаби директори Норҳўжа Раҳимхўжаев. — Ушбу ўқув қуроллари давлат таълим стандартларига мос

дизайнда сифатли қилиб тайёрланган. Ўқув даргоҳимиз миллий ҳунармандчилик йўналишига иқтисодлаштирилганлиги боис барча ўқув қуроллари шунга мувофиқ келиши учун ҳаракат қилинди. Етақич савдо ташкилотлари ва ишлаб чиқарувчилар билан имзоланган шартномаларга мувофиқ, ярмарка маҳсулотлари мактабга ўз вақтида келтирилмоқда.

(Давоми 2-бетда).

Август — ҳосилга ҳосил қўшиш зарбдор ойи

ПАРВАРИШДАГИ АСОСИЙ ЖАРАЁН

Мамлакатимиз пахтакорларининг энг қизгин, айни чоғда, энг масъулиятли меҳнат мавсуми август ойига тўғри келади. Бу пайтда бажариладиган агротехника тадбирлари ҳосил тақдирини ҳал қилиши ўз исботини топган. Шу боис жорий йилда 417 минг тонна пахта етиштиришга аҳд қилган қашқадарлик фермерлар унинг ҳар бири кундан унумли фойдаланиб, экинни обитобида парваришламоқда.

Бунинг самараси ҳозирданок кўзга ташланапти: июль ойида пайдо бўлган қўсақлар бирин-кетин очилаётган бўлса, асад қўсақлари тобора тўлишиб борапти. Ҳадемай, улар ҳам лўппи-лўппи пахта бўлади. Ғўза — парвариш билан тирик. Экинга қанча кўп ишлов берилса, нисоллар шунча бақувват бўлиб, ҳосил шохлари кўпаяди. Бе-

жизга деҳқонлар «Пахтани темир пиширади» дейишмайди-да. Бунинг маъносини шуки, август ойида култиватор қатор ораларидан чиқариламан, қўсақдан қўсақ қўшилиб, мўл ҳосилга мустаҳкам замин яратилади. Энг муҳими, экин ривожини тезлаштириб, пахта камида бир ҳафта эрта очилади. Лекин бу тадбирнинг нозик жиҳатлари ҳам бор. Яъни

айни дамда ҳосил шохлари кўпайиб, улар шода-шода кўсақ боғлаган. Агрегатнинг ортиқча ҳаракати уларни тўқиб юбориши ҳеч гап эмас. Бунинг олдини олиш учун култиваторнинг ишчи органларини гўзанинг ёншоқларига зиён етказмайдиган қилиб жойлаштириш, ишлов чуқурлиги ва кенглигини қисқартириш зарур. Вилоятимизда сувдан чиқарилган пахта

майдонлари ушбу тавсия асосида култивация қилинаётгани тўғрисида ҳосил элементларига асло зарар етказилмапти.

Аслида култивация бир кун кечиктирилса ҳам зиён. Гап шундаки, нами қочган тупроқнинг юзаси ёрилиб, ишловдан сўнг кесак пайдо бўлади. Оқибатда таралган сув буғланиб, унинг сарфи кўпаяди. Сув тақчиллиги кузатилаётган жорий мавсумда бу каби ҳолатларга йўл қўймаслик учун соҳа мутахассислари фермерлар, сувчи ва механизаторларга йўл-йўриқ кўрсатиб, яқиндан ёрдам беришмоқда.

(Давоми 2-бетда).

ТЕЛЕКОММУНИКАЦИЯ ХИЗМАТЛАРИ — «ЯГОНА ОЙНА» ПРИНЦИПИ БЎЙИЧА

Мамлакатимизда «Ўзбектелеком» акциядорлик компаниясининг «ягона ойна» принципи бўйича хизмат кўрсатадиган дастлабки олти пункти очилди. Мижозлар бир ернинг ўзида қайд этилган телефон алоқа, интернет хизматлари ва CDMA-450 стандартидаги стационар ва мобил алоқа хизматларидан фойдаланиши мумкин.

Пойтахтимизда Тошкентдаги иккита, Нукус шаҳри, Тошкент, Самарқанд ва Жиззах вилоятларида биттадан — жами олтита офисини бир вақтнинг ўзида тармоққа улаш маросими бўлиб ўтди.

Ўзбекистон алоқа ва ахборотлаштириш агентлиги бош директори Х. Муҳиддинов ва бошқалар истиклол йилларида Президентимиз Ислам Каримов раҳнамолигида соҳада амалга оширилган кенг қамровли ислохотлар телекоммуникация хизматлари даражасини сезиларли равишда ошириш имконини берганини таъкидладилар. Телекоммуникация тармоғи мамлакатимиз иқтисодий салоҳиятини, аҳолига хиз-

мат кўрсатиш даражасини ривожлантириш ишига салмоқли хисса қўшмоқда. Корхоналарнинг ишлаб чиқариш қуввати ошмоқда, янги техника ва технологиялар жорий этилмоқда. Мамлакатимизнинг барча вилоят марказларида рақамли шаҳарлараро станциялар ўрнатилди, магистраль халқаро ва вилоятлар ичидаги алоқа линияларида оптик толали кабель ҳамда рақамли радиореоле линиялар ётқизилди, энг янги телевидион ва радио узатиш мосламалари модернизация қилинди ҳамда ўрнатилди, худудларда CDMA стандартидаги симсиз радио тизими таъкид этилди.

(Давоми 2-бетда).

БАХТИМ ШУКИ, ЎЗБЕКИСТОН ФАРЗАНДИМАН!

Барчамиз яхши эслаймиз, бундан 20 йиллар олдин юртдошларимиз оддий касаллик учун ҳам марказга югуришарди. Аксига олиб, марказий жойларда ҳам аниқ ташхис қўйиш, тез тиббий ёрдам кўрсатиш масаласи ночор эди. Президентимизга раҳмат! Мустақилликнинг ilk йиллариданоқ мамлакатимизда тиббиёт тизими тубдан ислоҳ қилинди.

Бу инсонга, жамиятнинг энг катта бойлиги — аҳоли саломатлигига бўлган доимий ғамхўрлик натижасидир. Бевосита Президентимиз раҳбарлигида Ўзбекистонда аҳоли соғлигини сақлаш борасида ўзига хос, бетакрор ва ибрат олишга лойиқ ислохотлар амалга оширилди. Бу янгиликлар халқроқликда ҳам муносиб эътироф этилмоқда.

Истиқлол шуқуҳи Айниқса, соғлиқни сақлаш тизимининг аҳолига энг яқин бўлган — бирламчи бўғинига қаратилаётган эътибор туфайли минглаб қишлоқ врачлик пунктлари ва оилавий поликлиникалар қад ростлади ҳамда уларнинг моддий-техник базаси мустаҳкамланди, юқори малакали кадрлар ва замонавий асбоб-ускуналар билан таъминланди. Шунингдек, ilk бора жойларда, ҳатто, энг олис қишлоқ врачлик пунктларида ҳам, ҳар ойда профессор ва етук малакали шифокорларнинг бир ҳафталик консултацияларини ташкил этиш аҳади айланди.

Истиқлол йилларида, шунингдек, биз, тиббиёт соҳаси ходимлари Германия, АКШ, Япония, Буюк Британия, Корея Республикаси каби ривожланган мамлакатлардаги мутахассислар билан тажриба алмашиш, анжуманларда қатнашиш ва малака ошириш имкониятига эга бўлди. Илгари бундай тажриба алмашувни фақат оруз қилиш мумкин эди, холос. Утган йили хорж сафари чоғида чет эллик ҳамкасбларимиздан бири "Бахтлимишимиз?" деб сўраб қолди. "Ҳа, албатта, бахтлиман. Бахтим шундаки, Ўзбекистон фарзандиман!" дея жавоб бердим. Зеро, тинч ва осойишта юрда яшаб, ўзинг севган соҳада ишлаш, хасталиқдан фориғ бўлиб, уйга қайтаётган кишиларнинг миннатдор сўзларини эшитиш беқиёс бахт эмасми?!

Истиқлолимизнинг 19 йиллик байрами арафасида Президентимиз Фармонига биноан қўлаб юртдошларим қатори мен ҳам мамлакатимизнинг юксак муқофоти билан тақдирландим. Ана шу лаҳзаларда ана бир бор англадимки, бу азиз юртимизда ҳар бир инсон юксак эъзоз, эътибор, эҳтиром огушида. Бундай эъзоз мени эл-юрт саломатлигини мустаҳкамлаш йўлида янада тинмай фидойилик билан меҳнат қилишга ундайди.

Шоҳида **ДАДАМУҲАМЕДОВА**, «Шухрат» медали соҳибаси.

(Давоми. Боши 1-бетда).

— Институтда малакавий амалиётни ўтагач, ёзи таътил даврида фойдали иш билан шуғулланиш ниятида эдим, — дейди ўзини Анвар Эргашев деб таништирган талаба. — Кейин "Бунёдкор" меҳнат харакати тузилаётганини эшитиб қолдим ва бу мен учун айни мудао бўлди. Ҳозир курувчи усталага ёрдамчи сифатида ишляпман. Бир йилгитга қирқ хунар оз, дейишганидек, курувчилик сир-асрорларини ўрганипман. Қолаверса, моддий манфаатдорлик томони ҳам бор. Курилиш ташкилоти билан тузилган шартномага мувофиқ, бизга маош ҳам тўлашади.

— Биз таҳсил олаётган билим даргоҳи нафақат вилоятимиз, балки мамлакатимиздаги энг кенжа ўқув юртларидан саналади, — дейди ана бир суҳбатдошимиз, "Бунёдкор" меҳнат харакати

аъзоларидан бири Умиджон Саидов. — Мустақиллигимиз шарофати билан ташкил топган бу маскан учун, кўриб турганингиздек, 360 ўринли ўқув биноси қад ростлади. Истиқлол байрами кунларида фойдаланишга топшириш кўзда тутилган янги ўқув би-

жойлашган эллик гектар майдондаги ўқув-тажриба ҳўжалигида меҳнат қилишмоқда. Уларнинг дам олишлари, унумли ишлашлари учун барча қўлайликлар яратилган.

Шуниси қувончлики, талабалар орасида ташаббускор, интилувчан ёшлар кўп. Акбар Сафаров — ана шулардан бири. Бухоро юқори технологиялар муҳандислик-техник институтида таҳсил олаётган бу йилгит ўз атрофига талаба-ёшларни тўплаб, кичик курилиш бригадаси тузди. Ҳозир бу гуруҳ Қорақўл туманида намунавий лойиҳалар асосида барпо этилаётган уй-жойлар курилишида қатнашмоқда. Қолаверса, улар ўқув биноларини жорий таъмирлаш, ободонлаштириш ишларини бажаришяпти. Бундан ташқари, ёшларнинг бўш вақтини мазмунли ўтказишга ҳам алоҳида эътибор қаратилаётди.

Истам **ИБРОҲИМОВ**, «Халқ сўзи» мухбири.

НИЯТЛАРИ ЭЗГУ, ШИЖОАТИ ҚАТЪИЙ

носи курилишига хисса қўшаётганимиздан мамнунимиз.

Умиджоннинг фахрлиб сўзлаши бежиз эмас. Орадан беш, ўн, йилгитга йил ўтади. Шаҳарнинг энг кўркам худудларидан бирида қад ростлаган бу муҳташам бинода юзлаб, минглаб ёшлар таҳсил олиб, малакали кадр сифатида эл-юрт равнақига улуш қўшадилар, ҳаётда ўз ўринларини топадилар.

Дарвоқе, мазкур илм даргоҳининг ана бир гуруҳ талабалари Когон туманида

бу йилгит ўз атрофига талаба-ёшларни тўплаб, кичик курилиш бригадаси тузди. Ҳозир бу гуруҳ Қорақўл туманида намунавий лойиҳалар асосида барпо этилаётган уй-жойлар курилишида қатнашмоқда. Қолаверса, улар ўқув биноларини жорий таъмирлаш, ободонлаштириш ишларини бажаришяпти. Бундан ташқари, ёшларнинг бўш вақтини мазмунли ўтказишга ҳам алоҳида эътибор қаратилаётди.

Истам **ИБРОҲИМОВ**, «Халқ сўзи» мухбири.

«ОНАЛАР КҮЙЛАГАНДА»

Қарши шаҳрида мустақиллигимизнинг 20 йиллиги муносабати билан ташкил этилаётган «Оналар куйлаганда» республика кўрик-танловининг вилоят босқичи бўлиб ўтди.

Вилоят хотин-қизлар кўмитаси қатор ташкилотлар билан ҳамкорликда ўтказган ушбу тадбирда барча туманлардан ташриф буюрган алла, лапар, ёр-ёр, улан ихрочилари ўз санъатларини намойиш қилдилар.

Яқунда Қарши тумани жамоаси мутлақ голибликни қўлга киритди. Эндиликда ушбу

Танлов

жамоа танловнинг республика босқичида иштирок этиши баробарида, мустақиллигимизнинг 20 йиллиги муносабати билан ўтказиладиган байрам тадбирларида ҳам ўз дастурлари билан қатнашадилар.

Аҳад **МУҲАММАДИЕВ**, «Халқ сўзи» мухбири.

Хоккейчи қизлар мусобақаси

Самарқанд шаҳрида чим устида хоккей бўйича 1992 — 1993 йилларда туғилган қизлар ўртасида мамлакат чемпиони ўтказилди.

Қизгин ва қизиқарли мусобақада Самарқанд вилояти маданият ва спорт ишлари бошқармаси тасарруфидаги Олимпия захиралари

Спорт

спорт мактаби жамоаси Ўзбекистон чемпиони деган шарафли номга мурассар бўлди. Фаргона ва

Наманган вилоятлари хоккейчи қизлари эса кейинги ўринларни эгаллашди.

Мамадиёр **ЗИЁДИНОВ**, «Халқ сўзи» мухбири.

КЕНГ ТУРДАГИ НАСОС УСКУНАЛАРИНИ ТАКЛИФ ЭТАМИЗ



GRUNDFOSNING ЎЗБЕКИСТОНДАГИ ВАКОЛАТХОНАСИ


Ўзбекистон Республикаси,
100015, Ташкент ш., Ойбек к., 38-А уй
Тел.: (+998 71) 150-32-90,
(+998 71) 150-32-91,
(+998 71) 150-32-92.
E-mail: uzbekistan@grundfos.com
Web: www.grundfos.org

- КАФОЛАТ — 2 ЙИЛ
- СЕРВИС ХИЗМАТИ
- МАСЛАҲАТЛАР

BE THINK INNOVATE



Реклама ва эълонлар



«Navoiyazot» OAJ

кўп минг кишилик жамоаси

буюк ва муқаддас Ватанимиз Истиқлолининг 20 йиллиги билан юртдошларимизни қизгин қутлайди!

Тараққиёт сари юз бурган, кундан-кунга чирой очиб, файзу тароватга тўлиб бораётган жонажон Ўзбекистонимиз Мустақиллигининг мустаҳкамланишига муносиб улуш қўшиб келаётган ҳар бир ватандошимизга сиҳат-саломатлик, хонадонига кут-барака, бошлаган ҳар бир ишларида муваффақиятлар тилайди!

Байрамингиз қутлуғ бўлсин, азиз юртдошлар!



ЦЕМЕНТ (пц400 д20) 259,8 ▼ - 0,5 ЦЕМЕНТ (пц400 кд20) 245,9 ▲ + 3,4 АРМАТУРА 3564,3 ▲ + 109,1 ШИФЕР (1 лист) 14688 ▼ - 1235 АММОНИЙ СУЛЬФАТ ФОСФАТ 310,2 ▲ + 1,1 **Биржа баҳолари ҳақида кўпроқ билишни истасангиз, UZEX сўзини 8383 га юборинг.**

Халқ сўзи Народное слово

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Бюрогма Г — 854. 52546 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

ТЕЛЕФОНЛАР:
Девонхона 233-52-55;
Котибият 233-10-28; Эълонлар 232-11-15.

Тахририятга келган қўлёзмалар тақриз қилинмайди ва муаллифга қайтарилмайди.
Реклама материаллари учун тахририят жавобгар эмас.
Газета тахририят компьютер марказида терилди ҳамда операторлар Ж. Тоғаев ва М. Бегмуратов томонидан саҳфаланди.

• **МАНЗИЛИМИЗ:**
100000, ГСП,
Ташкент шаҳри,
Матбуотчилар кўчаси, 32-уй.
Навбатчи котиб — А. Орипов.
Навбатчи муҳаррир — Қ. Хидиров.
Навбатчи — Ф. Шералиев.
Мусахҳиҳ — Ш. Машраббоев.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА якуни — 20.45 Топширилди — 22.10 1 2 3 4 5